

Inatsisartut suleriesissaanni § 36, imm. 1 naapertorlugu Naalackersuisunut makku apeqquteqaatigerusuppakka:

Arctic Greenfood A/S-ip, Nanortalimmi massakut fabrikkip matoqqasup, Royal Greenland A/S-imit pigineqartup, tigunissaanut kisaataa pillugu Naalackersuisunut apeqquteqaat.

(Inatsisartunut ilaasortaq Jens B. Frederiksen, Demokraatit)

1. Royal Greenland A/S Arctic Greenfood A/S-ilu KNI A/S-ip ataani isumaqatigiissuteqarsimappat, fabrikkip Nanortalimmiittup Arctic Greenfood A/S-mit tiguneqarsinnaaneraniq?
2. Naalackersuisut qanoq iliuuseqassamaarpat fabrikkip Arctic Greenfood A/S-mit tiguneqarluni ingerlatilernissaanut.
3. Nanortalimmi fabrikkimut nioqqutissiassanik pilersuinerit suut periarfissaappat?
4. Suliaq unittuussagaluarpat tassunga pissutaasut paaserusunnarput.

Pissutigalugu:

Nanortalimmi kommunalbestyrelsip isumaqatigiittoq tusagassiutinut 24. marts 2006 imatut nalunaaruteqarsimanera:

”Nanortalip kommuniata tungaaninngaaniit sivisuumik sulissutigisimagaluarparput iluatsinngitsumilli, Nanortalimmi Royal Greenlandip fabrikkiaata ammarnissaa. Massakkummi atugarisat malillugit fabrikkip matunerata kingorna aalisartortagut tunitsivissaqarsimangillat, soorlu aamma fabrikkimi sulisut suliffissaaleqisimasut. Royal Greenlandip tungaaninngaaniit oqaatigineqarsimavoq suliffissuarmik piginnittup nammineq fabrikkini ingerlatissallugu isumaliuutiginnikkaa, allanulli attartortikkusukkaa tunilluguluunniit. Arctic Green Food-ip siulersuisuisa siulittaasuaniiit paasitineqarsimavugut, suliffissuup fabrikkini illoqarfimmi aalisartut pisaannut tunitsivittut attartorusukkaat. Tassani suliaq unittuuvissimavoq. Taamaattumik ilungersorluta Naalackersuisut piumaffigaagut siulersuisoqarnermut allaffeqarfik aqputigalugu Namminersornerullutik Oqartussanik pigineqartut suliffissuit marluk erninnaq naapissinnaaleqqullugit oqaluuseralugulu Arctic Green Food-ip fabrikkimik attartorsinnaanera imaluunniit tuniniaanerup nalingatut fabrikkini tunineqarsinnaaqullugu, taamaaliornikkut Nanortalimmi tunisisinnaaneq suliffissaqartitsiniarnerlu qulakkeerneqassagaluar mata.”

Tamanna tunngavigalugu qulaani apeqqutit kingusinnerpaamik 21. april 2006 Naalackersuisunit akineqarnissaat piumasarineqarpoq.